



Projekat finansira  
Evropska unija

## Regionalni program lokalne demokratije na Zapadnom Balkanu ReLOaD



u partnerstvu sa Grad Tuzla

### Izveštaj o održanom III mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u Gradu Tuzla

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)<sup>1</sup> u saradnji sa Gradom Tuzla, u četvrtak 10. oktobra 2019. godine u trajanju od 12.00 do 14.00 sati održan je **treći** od četiri planirana mentorska sastanka za zainteresovane predstavnike/ce organizacija civilnog društva (OCD).

Sastanku su, pored mentora i predstavnika Grada Tuzle, prisustvovala/e 10 učesnika/ca iz 8 organizacija civilnog društva. Četiri osobe su bile ženskog, a šest muškog spola.

Suštinski, sastanak se sastojao od dva dijela. U prvom dijelu, odgovarano je na pitanja učesnika općenito vezano za pravila i kriterije javnog poziva. Treba istaći da je i ovaj put bilo organizacija koje su po prvi puta došle na mentorski sastanak, te su se neka pitanja ponavljala. **Učesnicima je sugerirano da se drže svih pravila koja su definisana smjernicama za aplikante i da kada je riječ o njima ne trebaju praviti nikakva odstupanja. To između ostalog znači poštovanje datih rokova, dužine trajanja projekta, finansijskih zahtjeva kao i kriterija vezanih za dokumentaciju koju treba dostaviti.** Neka od pitanja su se odnosila na dodatnu dokumentaciju koja nije eksplicitno propisana javnim pozivom, i u tom kontekstu učesnicima je napomenuto da svaka dokumentacija koja može dati dodatni kredibilitet i vrijednost samom prijedlogu projekta je i više nego dobrodošla.

U drugom dijelu mentorskog sastanka razgovarano je o logičkim okvirima većine organizacija koje su bile prisutne. Ono što se treba istaći da je kod učesnika, primjetno bolje razumjevanje interventne logike, odnosa specifičnog cilja i rezultata, te rezultata i aktivnosti. **Učesnicima je sugerirano da indikatori budu SMART određeni, jer je uočeno da se element mjerljivosti nije inkorporirao prilikom njihovog definisanja.** Ponovno je učesnicima istaknuto da pokušaju projekte učiniti jednostavnim i razumljivim bez nepotrebnog gubljenja fokusa.

Na kraju sesije zajednički se prošlo kroz aplikacijsku formu i svaki odjeljak u njoj je posebno objašnjen. To se posebno odnosi na odjeljke vezane za opis problema te definisanje aktivnosti. Učesnicima je skrenuta pažnja da svaka od aktivnosti koja je definisana u logičkom okviru treba biti pojašnjena u aplikacijskoj formi. **Takođe je napomenuto da se u obzir mora uzeti i pitanje održivosti projektnih rezultata i da se to pitanje treba protezati kroz čitav projekat.**

Naredna (posljednja) mentorska sesija planirana je za 16. oktobar (srijeda) 2019. godine u 12 sati. Termin će biti objavljen na službenoj stranici Grada kao i mjesto održavanja mentorske sesije kako bi što veći broj zainteresovanih predstavnika OCD prisustvovao ovim sastancima.

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).